




Auzolandegiak gazteentzat,
udako alternatiba



gazteak Cristinoen kobazuloan sartzen.
MANU MUJICA




gogor egin dute lan paretetako zikinkeria kentzeko.
MANU MUJICA



materiala erabiltzen ikasi dute lehendabiziko gazteek.
MANU MUJICA



Jesus Fernandez de Muniainek suteek kobazuloan utzi duten zikinkeria erakusten du.
MANU MUJICA



Pintadak nonahi agertzen dira kobazuloan, berriak eta aspaldikoak.
MANU MUJICA

Uda pasatzeko modu anitz

EULATEN EZEZIK, Nafarroako beste hainbat herritan, beste herrialdeetan eta baita beste hainbat herritan ere uda pasatzeko aukera izanen dute nafar gazteak aurtan, Nafarroako Kirol eta Gazteria Sailaren eskaintzari esker. Aurtengo programa, hain zuzen, lau zatitan banatzen da: Nafarroako ekitaldiak, ekitaldiak beste Elkarte Autonomoetan, ekitaldiak atzerrian eta auzolandegiak —Nafarroa, beste Elkarte Autonomo eta atzerrian ere—. Nafarroan bertan egin daitezkeen ekitaldien artean, bada non aukeratu. Altsasuko eskaintza joan den ekainaren 28an hasi zen eta hil honen amaierara arte iraungo du. Bost txandatan Aralarako mendizerra ezagutzea izan dute helburu —eta badute oraindik ere— parte hartu duten eta hartzen ari diren gazteek. Lekaroz ere bada

nafar eta gazte atzerriarren bilgune egun hauetan. Ingalaterrako hamahiru eta hamabost urte bitarteko gazteak nafarrekin bizi dira bertan ekainaren bukaeratik eta hila bukatu arte. Bada beste ekitaldirik Lekarozen ere honetaz gain. Abuztuaren 2tik 16ra, hain zuzen, Murtzia, Valentzia eta Nafarroako hamabost eta hamazazpi urte bitarteko gazteak. Baztan bailara, Bidasoa erreka eta Orioko estuarioa ezagutzeko aukera izanen dute. Iratiko oihera, Pirinioak, eta Urbasako mendizerra ezagutzera ere hurbilduko dira gazteak Nafarroara. Beste herrialdeetako gazteak Nafarroara

etorri ezezik, bertakoek Espainiako Estatuko beste herrialdeetara joateko aukera ere badute uda honetan, Kantabria, Extremadura, Valentzia, Murtzia, Asturias, Gaztela-Leon, Gaztela-Mantxa eta Galiziara zehazki, baita Euskal Herriko gailentzeko herrialdeetara ere. Atzerriko beste herriak ezagutu, bertako hizkuntza ikasi eta bertako gazteak nola bizi diren jakiteko aukera ere badute aurtan gazte nafarrek, atzerrian ere antolatu baitu hainbat ekitaldi Kirol eta Gazteria Institutuak. Hiru herri aukeratu dituzte aurtan nafarrek ezagutu ditzaten: Erresuma Batua, Alemania eta Frantzia. Auzolandegiekin amaitzen da Kirol eta Gazteria Institutuaren eskaintza zabala. Eulaten ezezik, Elgorriaga, Orreaga, Lizarra eta Zaraitzuaren ardibidean egiten ari dira

auzolandegiak egun hauetan, hilaren amaierara arte batzuetan, abuztuaren 15 edo 18ra arte beste batzuetan. Getadarren ere izan zen auzolandegia baina lehenago amaitu zen, hil honen erdialdean. Beste Elkarte Autonomoetan eta atzerrian ere bada aukera. Elgorriagako auzolandegian, errota zaharra eta ikuztegia moldatzen ari dira, baita ibaiertzak garbitzen ere. Lizarran eta Orreagan, berriz, arkeologia da zeregina. Lizarran Hilobi Santuan ari dira lanean, lehen aipatu bezala, eta Orreagan, berriz, kolegiatan. Zaraitzuaren ardibideari dagokionez, berau moldatzen ari dira auzolandegi horretan parte hartzen ari diren gazteak. Getadarren, azkenik, gazteentzako aterbea eta bere ingurua moldatu zuten azken asteetan izan ziren gazteek. X